

YANG MANAKAH KITA??

RASULULLAH PERNAH BERSABDA,


"Adakah penyakit yang lebih **GANAS** daripada **BAKHIL??**"



"dan adapun orang-orang yang **KIKIR** dan merasa dirinya cukup (tidak memerlukan pertolongan Allah), serta mendustakan pahala yang terbaik, maka akan kami permudahkannya jalan menuju kesukaran (kesengsaraan), dan hartanya **TIDAK BERMANFAAT** baginya apabila ia telah binasa (mati) - (Al-Lail : 8-11)

"sekali-kali janganlah orang yang **BAKHIL** dengan harta yang Allah berikan kepada mereka dari karunia-Nya menyangka, bahwa kebakhilan itu baik bagi mereka. Harta yang mereka bakhilkan itu akan **DI-KALUNGAN** kelak di lehernya pada hari **KIAMAT**." (Qs. Ali Imron

-muslimateam-



Jom Like



www.facebook.com/pusatislamump

TERBITAN: PUSAT ISLAM & PEMBANGUNAN INSAN

EDISI : 1/2016



TARIKH : 8 Januari 2016/ 27 Rabiulawal 1437H

SINAR JUMAAT

SEANDAINYA NABI MUHAMMAD BERSAMA KITA...

Daripada Anas bin Malik Radhiallahu 'anhu, Nabi Muhammad S.a.w bersabda ; "Tidak akan sempurna iman seseorang daripada kamu sehinggalah dia lebih mengasihi diriku daripada ibu bapanya, anak-anaknya dan seluruh manusia yang lain".

Kita seringkali mendengar saranan dan nasihat supaya mencintai Rasulullah s.a.w., namun bagaimanakah kecintaan yang sejati dan lebih utama? Adakah cinta yang diinginkan hanya sekadar mengingati dan mendalami setiap sudut batang tubuh Baginda S.a.w.? Adakah kita mampu menceritakan perihai sejarah dan kisah-kisah yang Baginda S.a.w. lalui dan sudahkah cukup itu sebagai tanda kecintaan yang paling utama? Ya, Itu juga adalah salah satu bentuk kecintaan kita kepada Rasulullah S.a.w., akan tetapi yang lebih utama adalah kita menjadi pendokong dan pejuang kepada risalah Rasulullah S.a.w. Maka itulah tahap kecintaan kita yang paling agung dan hebat disisi Allah Subhanahu wa Ta'ala. Sayangnya Nabi S.a.w., maka berjuanglah membantu menyebarkan risalah Nabi S.a.w..

Malah, para nabi dan juga rasul solawatullahi 'alaihima ajma'in terdahulu juga turut

mengikat janji setia dengan Allah subhanahu wa ta'ala supaya menjadi pejuang kepada Nabi S.a.w. dan risalahnya. Firman Allah, maksudnya : "Dan (ingatlah) ketika Allah mengambil perjanjian setia dari Nabi-nabi

(dengan firmanNya): "Sesungguhnya apa jua Kitab dan hikmat Yang Aku berikan kepada kamu, kemudian datang pula kepada kamu seorang Rasul Yang mengesahkan apa Yang ada pada kamu, hendaklah kamu beriman sungguh-sungguh kepadaNya, dan hendaklah kamu bersungguh-sungguh menolongnya". Allah berfirman lagi (bertanya kepada mereka): "Sudahkah kamu mengakui dan sudahkah kamu menerima akan ikatan janjiku secara Yang demikian itu?" mereka menjawab: "Kami berikrar (mengakui dan menerimanya)". Allah berfirman lagi: "Jika demikian, maka saksikanlah kamu, dan Aku juga menjadi saksi bersama-sama kamu." Surah Ali Imran : 81 5.

Bayangkan jika Nabi saw berada di zaman kita melihat kerosakan umat yang teruk, sedangkan kita tidak berbuat apa-apa, Bagaimanakah perasaan Baginda saw?

Renungkanlah.....

لو كان بيننا الحبيب لذنى القاصي والقريب,
من طيبة قبل المغيب طالبا قرب
الحبيب,

بقربه النفس تطيب وتدعو الله فيجيب,
أنوار طه لا تغيب بلغنا لقاءه يامجيب,
فدتك روعي يا حبيب محمد مكرم
الغريب,

بقربك الروح تطيب يارحمة للعالمين,
Seandainya Nabi berada bersama kita, Nescaya akan mendampingi yang jauh dan yang dekat, Untuk memperoleh kebaikan sebelum hilang, Hanya untuk bersamamu (Nabi),

Dengan mendekatinya hati akan menjadi tenang, Berdoalah kamu kepada Allah (untuk bertemu Nabi) maka Allah akan berkenankan

Cahaya Nabi Muhammad tidak pernah padam, pertemuan kami dengannya Ya Allah!

Aku menebus dengan nyawaku demimu wahai kekasih Allah, Muhammad saw yang memuliakan umat Islam (asing),

Dengan mendekatimu (Nabi) jiwa menjadi tenang Wahai Rasulullah rahmat sekalian.

I Love Muhammad



Palestin, 6 Jan. – Laporan HAM menyatakan, pada tahun 2015, Israel telah melakukan 600 kali pelanggaran yang melibatkan kebebasan media massa di jajahan wilayah Palestin.

Persatuan radio dan televisyen Islam Palestin dalam laporan tahunannya berkata, Israel telah melakukan 574 pelanggaran terhadap media surat khabar di wilayah Palestin selama tahun 2015. Mereka telah membunuh dua wartawan dan mencederakan 190 yang lain. Israel juga

menggunakan kekerasan secara langsung dalam melarang kebebasan media.

Selain itu, mereka juga menangkap para wartawan, dan tidak kurang dari 85 wartawan ditangkap selama tahun tersebut. Seorang dari mereka adalah wartawan luar dan juga terhadap petugas media. Tidak kurang dari 144 kes penganiayaan terhadap wartawan. Termasuklah pukul, tembak dan lain-lain.

- <http://palestinkini.info/>

1.1 JUTA DI JERMAN

Berlin: Jerman mendaftarkan 1.1 juta pemohon suaka pada 2015, kata kementerian dalam negerinya semalam, dengan pelarian dari Syria merangkumi hampir 40 peratus daripadanya. Jumlah itu rekod baru untuk ekonomi terbesar Eropah berkenaan dan lebih lima kali ganda berbanding 2014. Jumlah pelarian Syria mencari perlindungan di Jerman tahun lalu seramai 428,468 orang diikuti orang Afghanistan (154,046) dan Iraq (121,662). Bagaimanapun, tidak semua memfailkan permohonan suaka secara rasmi, dan tidak semua juga dibenarkan tinggal di Jerman kerana 'pendatang ekonomi' dari negara yang tidak menghadapi peperangan akan dihantar pulang. Kementerian itu mengakui jumlah 1.1 juta orang direkodkan mungkin termasuk pendaftaran berulang di negeri berbeza di negara itu, selain orang yang sudahpun bergerak ke negara Kesatuan Eropah (EU) lain. Permohonan suaka sebenar

didaftarkan pada 2015 mencapai 476,649, kata kementerian itu - lebih dua kali ganda 2014. Hanya mereka yang lari dari perang seperti rakyat Syria, Iraq dan segelintir Afghanistan iaitu kira-kira separuh daripada pemohon akan diberi status pelarian. Canselor Jerman, Angela Merkel menegaskan kebanyakan rakyat negara Balkan seperti Serbia, Albania dan Kosovo akan dihantar pulang. Menteri Dalam Negeri Thomas de Maiziere semalam mengulangi azam kerajaannya untuk mengurangkan kemasukan pemohon suaka ke negara itu. "Kami akan mengurangkan kemasukan pemohon suaka baru ke Jerman," katanya. Keribaian pendatang berkurangan bulan lalu, tetapi de Maiziere berkata, ia dipengaruhi cuaca buruk yang menghalang pendatang memulakan perjalanan berbahaya melintasi Laut Mediterranean.

Q&A

Hukum Sambutan Tahun Baru Masihi

SOALAN:

Saya pernah terbaca bahawa haram bagi kita umat Islam menyambut perayaan Tahun Baru pada malam 31 Disember?

yang tidak bercanggah dengan Islam) berdasarkan kaedah "Al-Adat Muhakkamah".

Jawapan: Tidak dinafikan bahawa terdapat para ulama yang mengharumkan sama sekali sambutan tahun baru dalam apa jua bentuk. Namun, menyambut tahun baru Masehi (yang mengikut kiraan Gregorian calendar ciptaan Pope Gregory), menurut pandangan saya, ia adalah HARUS secara bersyarat serta bergantung kepada cara sambutan dan keraian yang dibuat.

*** Tiada percampuran rambang lelaki dan wanita yang bukan mahram yang dikebiasakan membawa kepada maksiat.**

*** Tidak dicampur adukkan dengan hiburan-hiburan yang bertentangan dengan kehendak Islam.**

*** Kandungan majlis sambutan ini juga mestilah bertepatan dengan kehendak syara'.**

*** Sambutan tersebut dilakukan atas asas 'Uruf atau 'Adat dan bukannya di anggap sebagai suatu upacara keagamaan. Jika ia diasaskan atas dasar ibadah maka ia perlu mempunyai sandaran dalil yang jelas. Maka ia diharuskan dengan bersyarat (penerimaan Islam terhadap adat**



Jangan Biarkan BEKALAN Akhirat anda kosong



Kenapa ambil 1 kalau boleh dapat 27?



Info Grafik

